

Otro caso di estafa:

"Karate Jan"

ORANJESTAD (AAN) Estafa na gran escala ta sigui y tras di otro Karate kidnan di Hulanda ta sigui bin Aruba pa dal hende cuba pa despues

lanta nan bela bay.

Integranenan di comunidad Hulandes Europeo na Aruba a acerca DIARIO pa asina informa DIARIO en-

Situacion hopi serio na Coastal

A ISOLA TURCONAN INFECTA CU TUBERCULOSIS

ORANJESTAD (AAN) -- Relaciona cu e publicacion cu a sali ayera encuanto Turconan cu e virus HIV, redaccion di DIARIO a haya informacion cu ta haci e situacion mucho mas serio y preocupante.

Informacion cu a drenta na redaccion di DIARIO ta muestra entre e Turconan cu a bin Aruba pa traha na Coastal, a descubri algun cu Tuberculosis ta un malesa den cierto sentido hopi mas peligroso cu HIV pasobra su forma di contagio ta mucho mas grandi cu HIV.

Manera ta conoci, ta solamente cu relacion sexual, contacto di herida cu otro por ocasiona e contagio di HIV. Sinembargo e contagio di Tuberculosis ta mucho mas serio. Un persona cu Tuberculosis, si e tosa of si su aliento alcanzabo, ta suficiente pa bo contagia cu e virus aki.

Mirando e situacion reinante na Coastal caminda tin hopi hende ta trahando cu otro, e chens di contagio ta hopi grandi. Afortunadamente tin vacuna contra Tuberculosis pero e tratamento por dura un tempo.

Ta asina cu den Coastal tin 4 Turco isola debi cu a constata cu nan tin Tuberculosis. E problema awor ta sinta, ta cuanto trahador lo mester bay laga pasa un test pa mira si nan a contagia cu e virus aki of no.

E situacion aki ta parce loke a yega di sosode na Hulanda caminda a constata un brote di Tuberculosis cerca e Turconan y Marocanonan ilegal na Hulanda. E personanan aki no a haci un test medico y

tabata cana rond ta spart e virus pa loco. Turberculosis tin cura pero mester trat'e na tempo. Mas tempo pasa, mas e ta infecta bo organonan y mas tempo lo dura pa combati e virus.

Trahadoman na Coastal ta sumamente preocupa pasobra nan salud ta core peliger. Ta di spera cu Coastal lo tuma e medidanan necesario pa evita cu lo bin un brote di Tuberculosis aki na Aruba.

cuanto un estafador Hulandes cu a dal diferente Hulandes Europeo slanan financiero pisa.

Segun informacionnan cu DIARIO a haya ayera di algun Hulandes rabia cu no sa mas ki caminda pa cana pa nan haya nan derecho y haya nan placa bek, nan a ser confronta cu un Hulandes cu ta papia cu hende masha dushi mes pa drenta den tur sorto di negoshi, pero na lugar di gana placa tur hende a perde nan placa.

Ta trata aki di un compay Hulandes yama alias Theo kende ta un persona hopi remarkable y unico na mundo pasobra e compay aki a naci na dos lugar na Hulanda y awor no ta conoci si e dos lugarnan aki ta cay bao di un municipio na Hulanda, pero normalmente riba documentonan oficial un hende por ta naci na un lugar y no na dos lugar.

Fuera di e hecho cu e meneer aki a nace na dos lugar e ta bisa hopi hende cu e ta di Surnam tambe; awor ta di unda e Jan aki ta?

Segun reaccionnan cu DIARIO a haya di Hulandesnan biba na Aruba, nan ta harta di tipo di figuranan asina cu ta bin Aruba pa estafa tur sorto di hende incluyendo Hulandesnan Europeo pa despues baha na awa pa asina laga un mal imagen atras cu ta perhudica Hulandesnan Europeo biba na Aruba.

Tambe DIARIO a haya di entente di Hulandesnan biba na Aruba cu e compay aki aparentemente no tin ni documentonan legal pa por biba y traha na Aruba.

E compay aki lo ta traha na e Cafe cu tin situa den Marisol Building y e ta bisa hende cu e ta accionista y cu e ta un sorto di doño.

Un Hulandes Europeo biba na Aruba a cay den trampa di e compay yama Theo cu a haci e Hulandes un oferta masha bunita pa e Hulandes bira su socio pa e suma di 75 mil Florin.

Despues ta bin resulta cu compay Theo no ta doño, no ta director, no a paga huur, ta huur V Car Cellular etc etc y ta cu e suma di 75 mil Florin

cu e socio a pone como participacion, compay Theo a core paga algun debe.

Compay Theo lo a dal karate pisa tambe na Hermana isla Curacao.

E Hulandes cu a perde su 75 mil florin a bay busca ayudo cerca Ministerio Publico, pero eyan el a haya su mes mal pega pasobra mescos cu yunan di tera cu tambe a ser estafa den e caso di Koetshuys, mescos e meneer aki tambe a haya su mes mal pega cu e hecho cu Ministerio Publico supuestamente no por a yude.

Durante dianan venidero DIARIO lo bin cu mas informacion riba e caso aki cu no ta mucho diferente cu esun di Koetshuys y tambe riba peticion di varios Hulandes alerta pueblo di Aruba y colonia Hulandes pa e compay karate Theo aki cu ya a haya e nombre "Karate Jan".

Den e cancion popular Rosa a laga Jan Bai, Jan por a baha na awa pero den e caso aki si nan no kier laga Jan bai pa nada di mundo pasobra nan kier pa e paga loke e debe.

HUP RONALDO!!

